

petitjg, pigoelgag elnoag pegisangag natel tleiaq, soel gagasit ag metepenagiag ag me pigôp oetjitatjig etog asögöm tesitjig, gato mao tan tesit oen piloeg 150 tesitgig. Na oetjategemg tapo agentieoimg aptjategig malieoitjig, pitao tlei tjinem Tjani teloisit, epites oinpegitjoig tlei oentjotjgoetj, natel etli malieoitjig, elmatitjig metepenagiag, oelegig ag oeli tögönasitjig. Aptj oetjategemg tapo agentieoimg, gtegig malieopenig, tjinem natoagneg tlei, Misel Pöl teloisit, epites elp oentjosgoetj oinpegitjoig tlei.

Gato nige pigoelg sôgiet tjinem gampigtog. Egian Glel eloogoatet sagmal goiloatji tjinemo, pigôp oejetjet, pemalatga 15 tesilitga; teloatit tjinem \$65. tepgenoset. Aptj gteg tjinem pegising goiloatji tjinemo elogotilitji gampigtog, negem teplomatji \$70 ag mesnatji etog 20 tesilitji natoagneg tle ag me pigôp tleg; gelolg mimatjoagn Nisgam ignemoinamet ag moioatemeg, tlia na me mset gôgoei megötig, gato nogo na telasig istege na mo teli mgötinog gelolg apangitoöoei. Nin B. B.

MAOPOGOEG gtagamgog. — noeleoimgeoei teph. 27 tes. 1918— Gisgog salite gisi maoatasig otjat oagla gôgmanagig getjigao nepgig, tan elgitemegel listogotjg \$69. otjat nepgeoel alamesel: Olipie Loisög sagmaoaag gtagamgog \$25 neoggol mesgigel alamesel ag esgoiag aptjetjgel, Mali Stritög \$24. nesisgel mesgigel ag esgoiag aptjetjgel. Tai-ni Gietólög \$15. tapogol mesgigel ag esgoiag aptjetjgel; tógo Teles Matieoög tanag nepgag. 1912 eg negema \$5. neote mesgig alames, maoi alasotmelseoanetj. Nin S. T. G.

Aptj Lisal Penoe petjig metlasagiel otjat mtjitjagamitjoi maoi apögönemasoti spasoegatig epoltitjig, ag agnotg tan na sagmaoaag nepgag gtjigos pogtamgieteg esitpogoeg sist atjiet tlisip mo eimogoag; 2 niteg tapo atjiet gisi pem geg tlisip otgotalotag. Maoi alasotmelseoanetj.

GESGAPEGIAG — ponaneoimgeoei teph 7 tesagoniteg — tlisip nepgepenag Aplan Maltan otepitema Malian Selôm. Elp Pilip Maltan enasena otepitema. Alasotmelseoan-

etj. Elp epitetjijja Malian Sol oto-tjtij Giti teloisit tag nepgenag 26 tes. noel teph.

OEGOGMAG — ponamoigos 2 tes.—Sagmao Sillipai apoatel Inoi patliasel nanagigel tan Sanoel Gogo teli apögönemaoatel ogomitjel : Agat Gogo teloisit tag esisögnig etli upebag noeleoimgeoeiag tepgenosetag; gisigoisgoög piamio 76 tetotjegag. Gis Plansoe Gogo ignemao-sen alamestjijt \$1. telaotig.

Elp gelosit sagmao atjatôg neogtagig pegitnemasotiei et, tephiget tan totjio Nisgam mitjoatjijt oesgitjinoitega otjat alames maoi apögönematiimeoei tan tesigo migmaoigo, gotji oli nenoitetemeneno ag gotji melgiananeno nigetj tan gtelasotmagnemineno pematogo iaptjio goli gelnemeneno ag goli getlamse-temeneno tan tesigo elnoigo pisgoi etlamsetemogo gotjino papeoit og-inamatineoeiem Oestaolgol nagtemasepa.

OEGOPEGITG pilei igalos getjigao lno sagmao Tjo Tjolian teloisit.

Ag pilei peseimeoei Setan sigen-tasit ola alasotmogoömtjijt tlei. Sgemtog pigoelg glip mea ola gesiga. Ag elpatos pegising 21 tes. ola teph. Loi Sag teloisit api mat-naget gameg almantieoagiga ag oe-litasoalget nitapenena. Nin T. T.

LISTOGOTJG — maoi gelolg noeleoimgeg, nipi alasotmamgeg pigoelgepenig gemnieoltipenig, ag sapeoit stögön noeleoimgeoei, mao pigoelgig tegötémritis. Ag gisi ponaneoimgeg mitjoatjijt ignemosenig gsepotagantjijt otjat tan teli oli gi-namasoltitis sigentatingeoei. Niganpoit eta Sosan Paliö tan 10 tes tegötgep ag 65 gelolgol genogoatigenel pegoatasisenel, tógo Mag-sim Maltan 10 ag 49, Malösali Oios 9 ag 45, Mallös Gaplan 9 ag 45, Mali Maltan ag Tjim Metöt 9 ag 43. Mina Maltan 9 ag 42, Mali Mölsön 7 ag 39, Sösep Gle 8 ag 39, Nasta-si Misel 9 ag 39, Loi Misel 9 ag 37, Mali Gle 6 ag 36, Antoen Tetam 7 ag 33, Anni Misel 7 ag 33, Oelliöm ag Lisal Paliö 8 ag 33, Sösep Lapiloa 6 ag 30, Piel Sag 6 ag 29, Lima Gle 6 ag 24, Tjeni Aisig 9 ag 24, Monig Aisig 6 ag 27, Loi Gonteo 5 ag 22, Maggi Tetam 4 ag 20, Piel Palnape 4 ag 18. Gtegig me